

اوپاشات عثمرومیه یکریمی

هفته لقی سیاسی ، ادبی ، علمی غزته در

جلد : ۳

سنه : ۲ ۲۵ جمادی الاول ۱۳۳۶ جمعه ایرتسی ۹ مارت ۱۹۱۸ نومرو ۲۷ — ۵۸

اجمال افکار

هند اسلام وطن پرورلری جمعیتی مرکز قومیه سنک بیاننامه سی مناسبتیه

هند اسلام وطن پرورلر جمعیتی مرکز قومیه سی اخیراً (استوقهولم) ده یکریمی درت صحیفه لک انکلیزجه بر بیاننامه نشر ایتدی . بو بیاننامه نیک محرر و مصنف مقتدری دهلی پروفیسورلردن عین قومیه رئیس عبد الجبار خیری افندیدر . انکلتزه حکومت غیر عادلانه سنک هندستان دیارنده سنه لردن بری فاصل اجرای حکم و حکومت ایتدیکنی ، بو خصوصده نه کی دسائسه مراجعت ایله دیکنی ، منابع مملکتی فاصل قوروتدیغنی ، مملکتک عصاره حیاتیه سی فاصل امدیکنی یتش ماده لک دلائل قاطعه و قطعه ایله اثباته چالیشان بو ذات محترم ، شومبروک و مستحسن تشبیه الحق بوتون وطنداشلرینک افکارینه ترجمان اولمش و اونلرک منت و شکراتی جلب ایتسدر .

هیمز - ویاخود بوکا یاقین بر اکثریت - بیلیرز که خائن آلیون هند دیارنده پک چوق مظالم ایقاع ایتدی ، پک چوق معصوم و بی گناه قانی دوکدی . « مملکت طیور » انکلیزلر ایچون سنه لردن بری یامان بر منبع واردات ، باشلیجه وسیله رفاهیت و سعادت اولدی . بیچاره هندلینک بازوی آهنییه قازانیلان باره لر (پیقادیللی) نیک اذواق کونا کونه مقر اولان محلاتنده اسراف ایدیلیرکن ، انکلیز تحکیمی هندستان اولکلرینی زیر وزیر ایدرکن انکلتزه نیک اوپک مشهور رجال سیاسیه سی متادیا حقوق شخصیه و عمومیه دن ، حریت اقوام و ملل دن بحث ایدیورلر و غریبی شوکه : کندیلریه پک بویوک ، پک علوی مزایای انسانیه و مدنییه اسناد ایله یورلردی !

« هند اسلام وطن پرورلر جمعیتی مرکز قومیه سی » نیک نشر ایتدیکی بیاننامه ده ایشته بوتون بونقطه لر جدا بویوک بروقوف و احاطه ایله ایضاح ایدلشدر .

بشرک غروری

بشر، عالم طبیعتہ تسلط ایدوب آکا حکمران اولدقدن صکره بیوک برغرور کتیرمشدر. بو غروری آنجق ایکی شیء، بعض مرتبه، تهوین و تخفیف ایدیور: منقولاتده مخافه الله ایله معقولاتده فلاسفه نك وضعیت علوم و فنون حقنده کی مطالعه لری وشکوک وظنونی.

بو غرورک و آنی تهوین ایدن بو ایکی سبب و حکمتکده معناسی واردر. اوت! بشر نیچون مغرور اولماسون؟ میقرو سقوپلرک و تهله سقوپلرک بزه بیلدیردیکی عالم طبیعات و مادیاتده اشرف و اکمل موجودات انساندر. انسان، - « پروتاغوراس » سولش، ظن ایدرم - هرشیئک محک و میزانی، معیار و قسطاسیدر. انسان، - « رءقلو » سویلیور، ظن ایدرم - کنندینی بالذات ادراک ایدن، ادراکه باشلایان عالم طبیعتدر.

اکر/انسان، انسان ذکا و عرفانی، انسان علم و ایقانی اولسه ایدی شو منظره طبیعت شاهددن دور قاله جق؛ منظره جهانک افاده ایتدیکی معنا آکلاشیله میه جق؛ علم، موجود اولیه جق؛ شعر، ترنم ایدیله میه جک؛ آهنگ، آذانی تنشیط ایده میه جک؛ سودا، بیلنه میه جک؛ بدایع، افاده و ترسیم ایدیله میه جک... طبیعت یتیم قاله جقدی. کنز مخفی آچیله میه جقدی. آنک ایچوندرکه انسان، هر مفهومک فوقنده، طبیعتک اورنک استیهالنه جالس اولش سلطان یکتادر. دوشونکیز! انسان اولسه ایدی بو عالم طبیعت، شوالواح بدیعه، سماواتک شو مخفی و درونی نقراتی، ارقامک فصاحت افاده سی، ارض و شمش بونلر نه یه یارایه جقدی؟ عالم طبیعت، کندی تولید ایتدیکی انسانه عرض تابعیت ایدیور. فقط، عجبا، کبر و نخوت مزه کرمی می ویردک؟ جاقین عالم طبیعتک سلطنتنه بشقه ذوی الذکاده می تصرف ایدیورلر؟ انسانک طبیعتده مالک و صاحب اولدیغی تحتک شایعاً حصه دارلری ده وارمی؟ اسکیلر، یکیلر، [میقرومه غاس] افسانه سنده مشهور [وولتهر]، دقیق اثرلر نده [فونته نهل]، خلق ایچون یازیلان کتابلر نده [فلاماریون]، پک یکیلرون افسانی فسیخ الخیال [توئه لس] بو ادعایی ایلری یه سسور یورلر، لکن بزه نه؟ مادامکه موجودده اولسه بز فضانک نواحی سائره سنده استیطان ایدن سائر ذوی العقول لرله مناسبتده بولونمیورز و آنلری بیلمیورز، فرضی اوله رق کنندیلرینه (معدوم) دیرسه ک بیوجک یرجنحه فلسفیه ایشله مش اولما یز.

اوت ، انسان حکمران طبیعتدر. طبیعتك محصله ذی عقلیدر.

طبیعت کندی کورمك و آکلامق ایسته مشده آنلر ایچون انسانی طوغورمش .

انسان ، طبیعتك کندی رؤیت ایچون پیدا ایتدیکی کوزدر. انسان ، طبیعتك کندی دیکله مك ایچون اکتساب ایتدیکی برون ، آل و دیلدر. انسان ، طبیعتك کندی تعقل ایتك ایچون ایجاد ایتدیکی دماغدر.

انسان یالکز جزئیجه کورییور، آزیجق طوییور، بر مقدار قوقلیور، خفیفجه طوطیور، اوقدرده طاتیور. بونلردن ده قلیل مقدارده تعقل ایدیور.

اوت، تعقلی آز، هله عوام ، آنجق سوائق حیاتیه طولاییسیله امور عادیه ومصالح غیرفکرییه دائر بر آز تعقل ایده بیلیور. اوست طرفی یوق... بشر، دوشونمه یه باشلادیکی کوندن بری بربری آردینه خطیئات عقلیه ارتکاب ایتشد. اگر بویله اولسه ایدی فلسفه واحد اولوردی ، هر حکیمك آیری مکتبی، هر حکمتك احزاب و فرقی اولمازدی .

بشرک کوردمدیکی، طوییه مدیغی، قوقلایه مدیغی، طوته مدیغی، طاته مدیغی دهانه لر واردر..
دها ایلری کیده لم : طبیعت نامحدوددر . بش حاسه مزك تعلق ایتدیکی شیلرده وار
وبونلر حقنده بزم بر خیالماز بیله اوله ماز . بصردن محروم عقرب، سامعه دن جدا سمك
نصل برعالم رؤیت ، برعالم لون ، برعالم اصوات ، برعالم آهنگ اولدیغنی بیلمز لسه ، بزده
برعالم ، برعالم ، برعالم اولدیغندن خبردار دکلز . اعضامزك فیزیولوژیسی ،
بناء علیه دماغمزك پسیقولوژیک فعالیتی، اعصابمزك بوکا تحملی یوقدر .

او حالده ، علم کله نسبتله ، بلکه بز انسانلر، شو معرکه کائناتده برسوموکلکی بوجك ،
بر پر قوردی ، بر حویینه هر تبه سنده یز .

بتون غرور و نخوتمز بودهاش ومهیب حقایق قارشیننده آریر، کیدر .
فقط اونو تمیه لم که بو غرورمز، بو پستیمز هرایکسی ده حقیقیدر. نه قدر یوکسك ايسهك
اودر جهده آلاقر. نه قدر حق عظمتمز وارسه او مرتبه ده حق ذلتمز درکاردر.
اون بيك، واقعا چوق برر قدر. لیکن قاچه نسبتله ؟ احاد و عشراته . فقط بر میایاره
نسبتله آز برر قدر.

بوتك كى علم محض مواجهه سنده علم بشر هيجدر . لكن علم بهائم مواجهه سنده
بوندن بيوك بر عرفان متصور دكلدر .

فيلسوف اولدر كه بو علم ايله جهلى ، بو غرور ايله حالت وضعه يي مقايسه يه قدرتياب
وطلوعياه افولى بر اولان شهاب حياتك ضيا سندن استناره ايدر .

بشكطاش ۲۵ شباط ۱۹۱۸

مهزل نوري

توركرك منشا و اثر

(سكيتار) ك كنديلرينى تورك اولادى بيلدكلرى .

(تئروودوت) دوام ايله ديركه : « (تاركيتائوس) ك اوچ اوغلى اولدى : (لايوقساي) ،
(آريوقساي) و (قولاقساي) . بركون آسماندىن آلتوندىن معمول بويوندر و غيله برابر بر صاپان ،
بربالطه و برطاس نازل اولور . تاركيتائوسك بويوك اوغلى بونلرى آلتق اوزره تقرب ايدر ايسده ،
بواشيانك معمول اولدينى آلتون او درجه كسب حرارت ايدر كه النى كرى چككه مجبوز اولور .
اورتانبجه برادري دخى عيني صورته حركت - ايدوعيني سيده مبنى چكيلير . فقط صره اك كوچوك
برادرلى اولان (قولاقساي) ه كلكده ، آلتون قيزمادىغندن ، مشاراليه مذكور ادواتى آلهرق
اقامتگاهنه كتيرير و بومعجزه دن طولايى ايكي بويوك برادرلر حق سلطنتلرينى اك كوچوك برادرلرينه
ترك ايدرلر . » [قسم ۴ ماده ۵]

مجاز اولق اوزره بو اوچ اشيادن برنجيسى زراعت ، ايكنجيسى صنعت و اوچنجيسى باغچيلق
و شرابدر . بوترا ديسيون عموميتله توركرك ايكي مثلى زراعت و صنايعدن متنفر اولهرق كوچيه و بدويت
حالده ياشادقلىنى وزمان جهيله اك يكي توركركى تشكيل ايدن برثللك زراعت و مدنيت ميل ايدرك
شهرلر و حكومتلر تأسيس ايتدكلرينى اياما ايدر .

۱ فى الحقيقه بالاده كورلديكى اوزره (اومر) اوروپا سكيتياسنده و آزاق ده كيزى حواليسنده
زراعتله مشغول اولان سكيتلرى علم اولهرق (زراع) ناميله ياد ايتمشدر . بوندىن ماعدا (سترابون) ك
لايقيله ايضاح ايله ديكي اوزره قطعه مذكوره اواثلدىن برى كرك يونانستان و كرك سائر ممالك
ذخيره آنبارلنى وظيفه سنى ايفا ايله مشدر كه بو حال زمانمзде بيله دوام ايتمكده در . اسكى توركركده